



## RÈGLEMEN ENTÈN MANB KOMITE

### Atik 1- Definisyon Manb Komite.

**Manb Komite Òganizasyon HOTSPOT ONE (OHO)**, se **Gason** ak **Fanm** ki rejwenn premye inisyatè lide a. Se manb ki pataje, makònen epi aksepte filozofi pwomotè lide a ap fè pwomosyon pou li a.

Tout manb sa yo ki vini manb **Komite Òganizasyon HOTSPOT ONE (OHO)** genyen dwa pou **Administre** ak pran tout gwo desizyon depi se pou bon mach **Òganizasyon** an. Nan sans sa a, **Manb Komite** yo se fanmi, ak zanmi, ki rejwenn pwomotè lide a pou **Dirije** premye pi gwo **Estrikti Òganizasyon** an.

### Atik 2- Reprezantasyon Komite Òganizasyon HOTSPOT ONE (OHO).

**Komite Manb Fondatè** ki genyen pou sig (**KMF**), se yon **Estrikti** ki nan **Òganizasyon** an ki pote non: **Komite Manb Fondatè (KMF)**. Se **Komite** sa a ki la pou **Dirije** ak **Administre** tout kesyon ki konsène **Òganizasyon** an ki genyen pou reyini, diskite ak debat tout dosye ki pote sou objektif **Òganizasyon** an ap pousuiv lòske yo genyen konvokasyon ki soti nan mitan **Manb Fondatè** yo.

### Atik 3- Konpozisyon Komite Manb Fondatè (KMF).

**Òganizasyon HOTSPOT ONE (OHO)** ap jere pa mwayen yon **Komite** ki genyennon **Komite Manb Fondatè (KMF)**. Epi ki ap administre ak yon **Komite** ki genyen **Senk (5) Manb** ladan li ki se:

- **Prezidan.**
- **Sekretè Jeneral.**
- **Responsab Trezò.**
- **Pòt Pawòl.**
- **Konseye Jeneral.**

### Atik 3.1- Wòl Rès Kategori Manb Fondatè.

Rès **Kategori Manb Fondatè (Board)** yo ki nan **Òganizasyon HOTSPOT ONE (OHO)** ap jwe wòl manb. **Manb Fondatè** yo ap genyen pou diskite ak pran desizyon nan reyinyon **Komite Manb Fondatè (KMF)** ap genyen pou planifye. Epi rès **Manb Fondatè** yo tou kapab mande avèk **Komite** a bon jan eksplikasyon sou fonksyonman **Òganizasyon** an.

### Atik 4- Atribisyon Manb Komite.

**Komite Manb Fondatè (KMF)** genyen pou atribisyon:

- Planifye ak pwograme gwo desizyon estratejik **Òganizasyon** an.
- Pwopoze plan taway ak potfèy bidjè anyèl **Òganizasyon** an.

- Elabore bidjè **Komite Manb Fondatè (KMF)** pou sipote **Òganizasyon** an.
- Veye sou bon fonksyonman **Òganizasyon** an pa rapò ak **Estat** epi **Règleman Entèn** yo.
- Evalye travay **Manb Gwoup Teknik Entèkansyon (GTE) Òganizasyon** an ap fè.
- Resevwa dosye kandida ak evalyasyon pou entegre yo nan **Òganizasyon** an.
- Resevwa doleyans, sigjesyon, kont randi, rekòmandasyon **Manb Aderan (Team)** ak **Manb byenfetè (Staff) Òganizasyon** an.
- Resevwa rapò, kont randi, sigjesyon, rekòmandasyon **Manb Gwoup Teknik Entèkansyon (GTE) Òganizasyon** an.
- Pataje rapò, enfòmasyon ak tout lòt manb yo nan **Òganizasyon** an.
- Nome manb nan komisyon **Òganizasyon** an si sa nesese.
- Aplike disiplin ak sanksyon sou manb ki fotif nan **Òganizasyon** an.

## Atik 5- Fonksyon Manb Komite.

### **A- Prezidan.**

- Repezante ak reponn ak tout konvokasyon, aktivite yo envite **Òganizasyon** an sou plan nasyonal ak entènasyonal.
- Konvoke **Komite Manb Fondatè (KMF)**, ak tout lòt **Estrikti Òganizasyon** an nan reyinyon **Òdinè** oubyen **Ekstrawòdinè**.
- Prezide reyinyon **Komite Manb Fondatè (KMF)** pou yo pran desizyon pou **Òganizasyon** an.
- Prezide seyans **Asanble Jeneral** ak **Asanble Jeneral Manb Òganizasyon** an.
- Konvoke manb yo nan **Asanble Jeneral** ak **Asanble Jeneral Manb Òganizasyon** an.
- Delibere sou desizyon ki pou sòti nan **Asanble** yo: **Asanble Jeneral (AJ) Òganizasyon** an oubyen **Asanble Jeneral Manb (AJM) Òganizasyon** an.
- Otorize ak **Komite Manb Fondatè (KMF)** entegrasyon nouvo manb aprè etid ak verifikasyon dosye kandida a nan **Òganizasyon** an.
- Veye sou bòn mach **Òganizasyon** an ak sou desizyon **Asanble Jeneral (AJ)** oubyen **Asanble Jeneral Manb (AJM)** yo pran.
- Siyen tout dokiman administratif **Òganizasyon** an.
- Bay apwobasyon sou tout depans ki ap fèt sou non **Òganizasyon** an.
- Siyen ak **Sekretè Jeneral** la pwochè-vèbal reyinyon **Komite Manb Fondatè (KMF) Òganizasyon** an.
- Siyen ak **Responsab Trezò** a rapò finansye **Komite Manb Fondatè (KMF) Òganizasyon** an.
- Kontwòle tout aktivite **Òganizasyon** an ap fè.
- Resevwa tout rapò **Manb Gwoup Teknik Entèkansyon (GTE)** ap genyen pou soumèt ak **Komite Manb Fondatè (KMF)**.

### **B- Sekretè Jeneral.**

- Konsève ak ranje tout rejis manb ak tout lis byen, ekipman, materyèl, **Òganizasyon** an.
- Ajoute tout nouvo manb, manb ki kite ak sa ki mouri nan rejis manb **Komite Manb Fondatè (KMF) Òganizasyon** an.
- Resevwa epi transmèt dosye nouvo manb **Òganizasyon** an ak **Prezidan** pou swivi
- Ekri lèt envitasyon, fè apèl ak tout manb **Komite Manb Fondatè (KMF)** ak rès manb yo ki nan **Òganizasyon** an lè genyen reyinyon.

- Pran nòt lè genyen reyinyon **Komite Manb Fondatè (KMF)** ak reyinyon **Asanble Jeneral (AJ)** epi ak reyinyon **Asanble Jeneral Manb (AJM) Òganizasyon** an.
- Ekri tout pwosè-vèbal reyinyon **Òdinè** ak **Ekstawòdinè Komite Manb Fondatè (KMF) Òganizasyon** an.
- Fè lekti pwosè-vèbal ak kont randi reyinyon **Komite Manb Fondatè (KMF) Òganizasyon** an.
- Anrejistre tout desizyon ki pran nan **Asanble Jeneral (AJ)** ak **Asanble Jeneral Manb (AJM) Òganizasyon** an aprè li fini resevwa yo nan men **Manb Gwoup Teknik Entèvansyon (GTE)**.
- Jere tout dokiman administratif **Òganizasyon** an nan tèt kole ak **Manb Gwoup Teknik Entèvansyon (GTE)**.
- Klase tout dokiman ki sòti anndan ak deyò **Òganizasyon** an pou kapab estoke yo sou **Sit Entènèt Òganizasyon** an ak rejis fizik yo.
- Siyen ak **Prezidan** an pwosè-vèbal ak rapò administratif **Komite Manb Fondatè (KMF) Òganizasyon** an.

### C- Responsab Trezò.

- Resevwa kotizasyon mansyèl obligatwa ak montan anyèl kès asistans sosyal **Komite Manb Fondatè (KMF) Òganizasyon** an.
- Jere tout antre ak depans **Komite Manb Fondatè (KMF) Òganizasyon** an ap fè.
- Jere fason lajan ap rantre nan kès ak kont labank **Òganizasyon** an nan tèt kole ak **Prezidan** an.
- Jere tout depans asosyasyon an ki sòti nan bidjè **Komite Manb Fondatè (KMF) Òganizasyon** an te vote a.
- Kolekte tout chif sou byen **Òganizasyon** an posede an espès epi an nati.
- Ekri bidjè fonksyonman **Komite Manb Fondatè (KMF) Òganizasyon** an.
- Resevwa bidjè fonksyonman **Manb Gwoup Teknik Entèvansyon (GTE) Òganizasyon** an.
- Anrejistre tout antre ak sòti lajan **Òganizasyon** an sou baz dokiman **Manb Gwoup Teknik Entèvansyon (GTE)** a ap soumèt.
- Mete disponib tout pyès ki jistifye acha, depans, dèt, prè, don sou non **Òganizasyon** an.
- Prezante eta finansye lè genyen reyinyon **Komite Manb Fondatè (KMF)** epi ak lòt **Estrikti Òganizasyon** an.
- Prezante rapò finansye nan **Asanble Jeneral (AJ) Òganizasyon** an.
- Siyen ak **Prezidan** an rapò finansye **Komite Manb Fondatè (KMF) Òganizasyon** an.

### D- Pòt Pawòl.

- Pran lapawòl nan non **Òganizasyon** an sou plan nasyonal ak entènasyonal lè **Prezidan** an anpeche.
- Kominike pawòl ak mesaj enpòtan **Komite Manb Fondatè (KMF)** ak tout rès manb yo epi ak lòt **Estrikti Òganizasyon** an.
- Reprèzante **Òganizasyon** an nan envitasyon ofisyèl yo sou delegasyon **Komite Manb Fondatè (KMF)**.
- Fè kont randi lè li deplase nan envitasyon ofisyèl yo ak **Komite Manb Fondatè (KMF) Òganizasyon** an epi ak tout rès manb yo.
- Fè rapwochman **Òganizasyon** an ak tout lòt entistasyon tankou prive, piblik, sosyete sivil ak entènasyonal.

- Fè pwomosyon ak enfòmè lòt moun sou aktivite **Òganizasyon** an ap fè pou li kapab genyen nouvo manb ak bon renome.
- Defann valè, onètete, ak repitasyon **Òganizasyon** an devan tout lòt moun.

### **E- Konseye Jeneral.**

- Bay bon jan konsèy ak bòn direksyon sou tout desizyon ki ap pran nan **Komite Manb Fondatè (KMF) Òganizasyon** an.
- Ranplase yon lòt manb nan **Komite Manb Fondatè (KMF) Òganizasyon** an lè genyen vakans ak anpèchman.
- Akonpaye ak bay asistans ak **Komite Manb Fondatè (KMF) Òganizasyon** an ak tout lòt estrikti yo nan travay yo ap fè.
- Veye sou fason tout **Estrikti Òganizasyon** an ap fonksyone epi fè rekòmandasyon pou yo rive byen fonksyone.
- Sèvi abit lè genyen bouch louvri ak chire pit nan **Komite Manb Fondatè (KMF)** ak lòt **Estrikti Òganizasyon** an.

### **Atik 6- Pwosedi Eleksyon Ak Dire Manb Komite.**

**Komite Manb Fondatè (KMF) Òganizasyon HOTSPOT ONE (OHO)** ap monte pa mwayen vòt inanim pou tout **Manb Fondatè** yo pou diferan pòs ki genyen nan **Komite a. Manb Fondatè** yo kapab pote yo kandida volontè oubyen yo deziye yo nan yon pòs sou baz eksperyans ak konpetans yo genyen.

Nan ka yon deziyasyon pou yon pòs, depi tout **Manb Fondatè** yo dakò pap genyen vòt se sèlman aklamasyon ki ap genyen.

Nan ka genyen **Manb Fondatè** ki dakò ak lòt **Manb Fondatè** ki pa dakò, se pa mwayen yon vòt nan mitan **Manb Fondatè** yo kandida a ap rive genyen pòs la. Se toujou vwa majorite a ki ap pase.

Eleksyon pou **Komite Manb Fondatè (KMF) Òganizasyon HOTSPOT ONE (OHO)** dwe fèt obligatwaman chak **Douze (12) Mwa**, sa vle di chak **Youn (1) Lanne**. Manda li ap kòmanse nan dat eleksyon an te fèt la pou monte ou renouvle **Komite a**.

### **Atik 7- Dwa Prezidan An Nan Konvokasyon Ak Moderasyon Reyinyon.**

Kèlkeswa reyinyon ki ap fèt swa **Òdinè** oubyen **Ekstrawòdinè**, epi sou kèlkeswa fòm li ap fèt la tankou fizikman, apèl konferans ak apèl videyo, se **Prezidan** an ki ap genyen dwa pou li fè konvokasyon ak **Komite Manb Fondatè (KMF)** epi ak lòt **Estrikti Òganizasyon HOTSPOT ONE (OHO)**. Epi se **Prezidan** ankò ki ap genyen dwa pou li fè moderasyon reyinyon an.

Sepandan, nan ka **Prezidan** an ta genyen yon anpechman, se **Konseye Jeneral** la ki ap genyen dwa pou li jwe wòl **Prezidan** an genyen nan konvokasyon ak moderasyon reyinyon.

Konsa tou, kit se **Prezidan** an kit se **Konseye Jeneral** la ki te fè konvokasyon an, youn nan yo kapab mande nenpòt **Manb** pou jwe wòl moderatè nan reyinyon an pou pèmèt patisipasyon anplis chak manb nan jesyon tan rankont yo ak tan lapawòl.

### **Atik 8- Reyinyon Manb Komite Ak Desizyon.**

Tout manb **Komite Manb Fondatè (KMF)** yo dwe prezan nan tout reyinyon ki ap fèt swa **Òdinè** oubyen **Ekstrawòdinè**, epi kèlkeswa fòm li ap fèt la, tankou; fizikman, apèl konferans

ak apèl videyo. Si toutfwa ta genyen yon **Manb Komite** ki pap ka prezan nan yon reyinyon, **Manb Komite** a dwe fè **Prezidan** an konnen sa davans oubyen **Sekretè Jeneral** la. Nan ka kontrè, **Manb Komite** ki prezan yo ap pran tout desizyon pou avansman **Òganizasyon** an.

#### **Atik 9- Respè Règleman Entèn Nan Desizyon Manb Komite.**

Kèlkeswa desizyon majorite manb **Komite Manb Fondatè (KMF)** ap pran, fòk desizyon sa a pa vyole youn nan atik ki nan **Règleman Entèn Òganizasyon** an. Si desizyon an ta rive vyole **Prensip Fondamantal Règleman Entèn** yo, desizyon sa a, menm si se majorite **Manb Komite** yo ki pran li ebyen desizyon sa a pap valab.

#### **Atik 10- Delè Pou Konvokasyon Manb Komite.**

Tout konvokasyon pou reyinyon **Komite Manb Fondatè (KMF)** ap fèt **Vennkat (24) èd Tan** alavans. Sepandan, si ta genyen yon ijans nan **Òganizasyon** an, nan ka sa a, **Prezidan** an ap genyen dwa pou li konvoke tout **Manb Komite** yo san li pa teni kont ni jou ak lè li ye a.

#### **Atik 11- Desizyon Pou Yon Manb Komite Ki Abandone.**

Si nan yon reyinyon **Komite Manb Fondatè (KMF)** ta genyen pou yo pran yon desizyon pou bon mach **Òganizasyon** an, ta genyen yon **Manb Komite** a oubyen plizyè **Manb Komite** a ki ta deside kite reyinyon an pou kèlkeswa rezon an, san reyinyon an poko fini, lè sa a, lòt **Manb Komite** ki rete yo ap genyen dwa pou yo pran kèlkeswa desizyon an menm si yo pa majorite depi se pou bon mach **Òganizasyon** an epi depi li kadre ak **Estatì Òganizasyon** an.

#### **Atik 12- Respè Pou Desizyon Majorite Manb Komite.**

Tout manb **Komite Manb Fondatè (KMF)** dwe respekte desizyon majorite **Manb Komite** yo pran depi desizyon sa pa kontrè ak filozofi, misyon epi vizyon **Òganizasyon HOTSPOT ONE (OHO)** ap defann.

#### **Atik 13- Kowòm Pou Manb Komite Pran Desizyon.**

Tout gwo desizyon manb **Komite Manb Fondatè (KMF)** ap genyen pou yo pran pou bon mach **Òganizasyon** an, **Manb Komite** yo dwe pran li nan yon reyinyon epi reyinyon sa a dwe genyen majorite **Manb Komite** ladann. Nan ka pa ta genyen majorite **Manb Komite** ki prezan nan reyinyon an, Lè sa a, lòt **Manb Komite** yo ki prezan pap kapab Pran okenn gwo desizyon.

#### **Atik 14- Obligasyon Respè Youn Pou Lòt.**

Respè youn pou lòt se yon obligasyon nan mitan tout **Manb Komite** yo, menm jan sa ekri nan atik yo ki nan **Estatì Òganizasyon HOTSPOT ONE (OHO)**.

#### **Atik 15- Frekans Reyinyon ak Sanksyon.**

**Komite Manb Fondatè (KMF)** ap genyen pou li reyini chak fwa genyen yon nesosite pou sa. Konvokasyon sa ap fèt **Karantuit (48) èd Tan** davans pou tout **Manb Komite** yo sou platfòm vityèl yo pa yon mesaj oubyen yon nòt ki pote siyati **Sekretè Jeneral KMF Òganizasyon** an sou jou ak lè reyinyon sa ap fèt dire reyinyon sa a pa dwe depase **De (2) èd Tan**.

#### **Atik 16- Sanksyon Pou Manb Komite ki Abandone.**

Kèlkeswa manb **Komite Manb Fondatè (KMF)** ki nan **Òganizasyon HOTSPOT ONE (OHO)**, pa genyen dwa pase **Twa (3) Mwa** san **Manb Komite** a pa patisite nan reyinyon ak

aktivite yo pou kèlkeswa rezon an, Sinon, **Manb Komite** a ap vini yon **Manb Inaktif**. Kidonk **Manb Komite** a dwe remèt tout sa ki nan men li si li genyen epi fasilite tout chanjman yo pou avansman **Òganizasyon** an.

### **Atik 17- Radyasyon San Reklamasyon.**

Kèlkeswa **Manb Komite** a ki ta soti nan **Komite Manb Fondatè (KMF)**, pou kèlkeswa rezon an **Manb Komite** a pap kapab fè okenn reklamasyon. Epi pa bliye, tout sa yon **Manb Komite** bay nan **Òganizasyon** an sou kèlkeswa fòm li ye a se **Don** li ye, kidonk okenn **Manb Komite** pa genyen dwa: **Vann Li, Fè Kado Li, Prete Li, Twoke Li, Pran Li, Kraze Li, Boule Li, Ni Mete Li Nan Plàn/Brikabrak Elatriye.**

### **Atik 18- Pwosedi Pou Yon Manb Komite Demisyone.**

Si yon **Manb Komite**, ta deside demisyone nan **Komite** a, pou pwòp rezon pa li epi san okenn lòt **Manb Komite** a pa ni fòse li ni mande li demisyone, **Manb Komite** a genyen yon fason pou li fè sa.

- Tou dabò, **Manb Komite** a dwe konsilte **Referans** li a ki te pèmèt entegrasyon li nan **Òganizasyon** an pou diskite avèk li sou sa.
- Aprè sa, **Manb Komite** a ap genyen pou li konsilte tout lòt **Manb Komite** yo, pou diskite sou motif ak kontrent li genyen ki fè li oblije demisyone.
- Se aprè li fini konsilte ak diskite ak tout **Manb** yo, ebyen lè sa **Manb Komite** ki vle demisyone a ap genyen posiblite pou ekri lèt demisyon li a ki ap adrese ak **KMF**.
- Pwosedi sa valab pou tout **Manb Komite** ki nan **Òganizasyon** an ki ap demisyone.
- Pou **Manb Komite** ki te nan **KMF**, fòk li remèt tout dosye, **Materyèl** ak **Ekipman** **Òganizasyon** an ki te nan men li yo epi bay yon ti tan pou pèmèt lòt **Manb** ki ap ranplase manb la genyen konesans sou dosye li te trete yo epi genyen achiv sa yo pou travay la kapab kontinye. Anplis fòk manb la vèse tout montan kotizasyon **Dwa Mnab** li si li te genyen reta anvè **Òganizasyon** an avan demisyon li an asepte.

### **Atik 19- Byen Materyèl Ak Imateryèl.**

Tout byen **Materyèl** ak **Imateryèl** dwe disponib pou tout manb **Komite Manb Fondatè (KMF)** nan kad travay yo. Sepandan, tout byen **Materyèl** ak **Imateryèl** **Òganizasyon** an pa dwe itilize pou afè pèsònèl kèlkeswa **Manb Komite** li ye a.

### **Atik 20- Konfidansyalite Nan Pataj Enfòmasyon.**

Si ta genyen yon **Manb Komite** a pou yon rezon oubyen pou yon lòt ki ta deside pataje enfòmasyon pèsònèl **Komite Manb Fondatè (KMF)** **Òganizasyon** an ak yon lòt manb oubyen plizyè lòt manb ki pa genyen otorizasyon pou sa, epi ki pa fè pati nonplis **Òganizasyon** an. Kidonk tout lòt **Manb Komite** yo ap pran sanksyon kont manb sa.

### **Atik 21- Amandman Règleman Entèn Manb Komite.**

**Règleman Entèn Komite Manb Fondatè (KMF)** kapab modifiye chak **Youn (1) Lanne** si sa nesèsè, men fòk majorite **Manb Komite** yo aksepte pou sa posib. Sepandan, li ap kapab modifiye tou nenpòt moman nan peryòd sa, men fòk tout **Manb Komite** yo aksepte pou sa posib.

**Atik 22- Respè Règleman Entèn Manb Komite.**

Tout manb **Komite Manb Fondatè (KMF)**, genyen pou obligasyon pou yo aplike, respekte epi fè aplike, respekte **Règleman Entèn Komite** a.

**Atik 23- Delè Pou Siyati Règleman Entèn ak Sanksyon.**

Aprè siyati **Règleman Entèn Komite Manb Fondatè (KMF)**, tout **Manb Komite** yo dwe respekte epi fè respekte akò yo fini siyen an, Sinon, **Manb Komite** a ap genyen yon delè **Twa (3) Jou** fran pou li deside. Si delè sa a pase, **Manb Komite** a pap kapab fè pati **KMF Òganizasyon** an ankò.

**Mwen** menm \_\_\_\_\_ **Mwen** li, **Mwen** komprann, **Mwen** aksepte epi **Mwen** siyen paske **Mwen** dakò ak tout **Atik** san manke yon yota ki nan **Règleman Entèn Komite Manb Fondatè (KMF)** pou mete yo an aplikasyon epi koube **Mwen** anba sanksyon yo chak fwa **Mwen** vyole youn ladan yo.

**Fèt Nan Dat 18 Desanm 2023**

**Dat** \_\_\_\_\_ / \_\_\_\_\_ / \_\_\_\_\_

\_\_\_\_\_  
**Siyati Manb Komite OHO**